

9. ZAVRŠNE ODEDBE

Cjeloviti razvojni program za rad u predškolskim ustanovama Bosansko-podrinjskog kantona Goražde stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj:10-38-869/10 **MINISTARSTVO**
30.03.2010.godine **Alma Delizaimović,s.r.**
G o r a ž d e
.....

384

Na osnovu člana 24. Zakona o Vladi Bosansko-podrinjskog kantona Goražde («Službene novine Bosansko-podrinjskog kantona Goražde», broj:5/03), te člana 63. stav 3. Zakona o prostornom uređenju i građenju Bosansko-podrinjskog kantona Goražde («Službene novine Federacije BiH», broj:15/09), Vlada Bosansko-podrinjskog kantona Goražde, na prijedlog Ministra za urbanizam, prostorno uređenje i zaštitu okoline, na nastavku svoje 61-ve redovne sjednice, održanom dana 15.04.2010.godine, **d o n o s i**:

U R E D B U

**o definisanju građevina i zahvata
za koje preduvjete za odobravanje
planirane promjene u prostoru
utvrđuje Ministarstvo za urbanizam,
prostorno uređenje i zaštitu okoline**

Član 1.

Ovom Uredbom definišu se građevine i zahvati u prostoru za koje preduvjete za odobravanje planirane promjene u prostoru utvrđuje Ministarstvo za urbanizam, prostorno uređenje i zaštitu okoline Bosansko-podrinjskog kantona

Goražde (u daljem tekstu: Ministarstvo).

Član 2.

Ministarstvo na osnovu prethodno pribavljenog mišljenja nadležnog organa jedinice lokalne samouprave utvrđuje preduvjete za odobravanje planirane promjene u prostoru u slučajevima:

- a. izgradnje građevina, obavljanja djelatnosti i izvođenja zahvata koji mogu u znatnoj mjeri uticati na okoliš, zdravlje ljudi u Bosansko-podrinjskom kantonu Goražde (u daljem tekstu: Kanton) i šire;
- b. izgradnje građevina i izvođenje zahvata na područjima za koje se radi prostorni plan područja posebnih obilježja Kantona;
- c. izgradnje građevina i izvođenje zahvata koji su od posebnog interesa za Kanton.

Član 3.

Građevine i zahvati u prostoru iz člana 2. alineja a. ove Uredbe su oni objekti čija namjena može imati značajan uticaj na okolinu, odnosno koji podliježu izdavanju okolinske dozvole u skladu sa propisima iz oblasti zaštite okoline.

Član 4.

Izgradnja građevina i izvođenje zahvata iz člana 2. alineja b. Uredbe, na područjima za koje se radi prostorni plan područja posebnih obilježja Kantona utvrđuju se za:

- područja od graditeljskog, priorodnog i kulturno-istorijskog značaja;

- područja hidroenergetskih građevina kapaciteta do 30 MW;
- slivno područje hidro-akumulacije za snabdjevanje dvije ili više općina;
- regionalne (međupćinske) ceste, hidromelioracione i agrarne sisteme do 2000 ha;
- ugrožena područja na teritoriji dvije ili više općina (plavna područja, goleti, klizišta);
- ugrožena područja: poplavna, erozivna i druga područja, s obzirom na odredbe Zakona o vodama;
- područja eksploatacije mineralnih sirovina na područjima dvije ili više općina;
- rekreativne površine i banje na teritoriji dvije ili više općina.

Član 5.

Građevine i zahvati u prostoru iz člana 2. alineja c. ove Uredbe, a koji su od posebnog interesa za Kanton su:

GRAĐEVINE SAOBRAĆAJA I VEZA

- sve regionalne javne ceste s pripadajućim objektima (mostovi, vijadukti, tuneli, galerije, odvodnje i sl.);

ENERGETSKE GRAĐEVINE

- elektrane instalirane ukupne snage od 5 do 30 MW;
- dalekovod, transformatorsko i rasklopno postrojenje napona od 35 do 220 kV;

VODOPRIVREDNE GRAĐEVINE

- regionalni vodovodni i kanalizacioni sistemi;
- vodoprivredne građevine koje utiču na režim voda na području dvije ili više jedinica lokalne sa-

mouprave;

OSTALI OBJEKTI

- objekti iz oblasti društvene djelatnosti (obrazovanje, kultura, zdravstvo, socijalno staranje, državna uprava, sport itd.) koji pružaju usluge na nivou Kantona;
- sve građevine i planirani zahvati čija korisna površina prelazi 3000 m².

Član 6.

Ova Uredba će se primjenjivati i za druge građevine i zahvate u prostoru za koje Vlada kantona utvrdi da su od značaja za Kanton ili mogu imati znatan uticaj na okolinu Kantona.

Član 7.

(1) Prije utvrđivanja preduvjeta za odobravanje planirane promjene u prostoru, Ministarstvo je dužno prethodno pribaviti mišljenje nadležnog organa jedinice lokalne samouprave.

(2) Nadležni organ jedinice lokalne samouprave je dužno traženo mišljenje o planiranoj promjeni u prostoru Ministarstvu dostaviti u roku od 10 dana od dana prijema zahtjeva za mišljenje.

(3) Ukoliko nadležni organ iz stava (1) ovog člana ne dostavi mišljenje u roku utvrđenom u stavu (2) ovog člana, smatrat će se da nema primjedbi za izgradnju građevine i izvođenje zahvata u prostoru koji su predmet zahtjeva.

Član 8.

Zahtjev pokrenut pred nadležnim organom jedinice lokalne samouprave za utvrđivanje preduvjeta za odobravanje planirane promjene u prostoru na-

kon stupanja na snagu ove Uredbe, nadležni organ jedinice lokalne samouprave će bez odlaganja dostaviti Ministarstvu.

Član 9.

Ova Uredba stupa na snagu narednog dana od dana objavljivanja u «Službenim novinama Bosansko-podrinjskog kantona Goražde».

Broj: 03-23-586/10
15.04.2010.godine
G o r a ž d e

P R E M I J E R
Nazif Uruči,s.r.

S A D R Ź A J

361	Ukaz o proglašenju Zakona o pripadnosti javnih prihoda u Bosansko-podrinjskom kantonu Goražde i finansiranju Bosansko-podrinjskog kantona Goražde.....	601
362	Zakon o pripadnosti javnih prihoda u Bosansko-podrinjskom kantonu Goražde i finansiranju Bosansko-podrinjskog kantona Goražde.....	601
363	Ukaz o proglašenju Zakona o vodama Bosansko-podrinjskog kantona Goražde.....	605
364	Zakon o vodama Bosansko-podrinjskog kantona Goražde.....	605
365	Ukaz o proglašenju Zakona o sudskim taksama.....	628
366	Zakon o sudskim taksama.....	628
366a)	Tarifa sudskih taksi.....	639
367	Ukaz o proglašenju Zakona o izmjenama i dopunama Zakona o Agenciji za privatizaciju u Bosansko-podrinjskom kantonu Goražde.....	648
368	Zakon o izmjenama i dopunama Zakona o Agenciji za privatizaciju u Bosansko-podrinjskom kantonu Goražde.....	649
369	Ukaz o proglašenju Zakona o izmjenama i dopunama Zakona o kantonalnim ministarstvima i drugim tijelima kantonalne uprave.....	650
370	Zakon o izmjenama i dopunama Zakona o kantonalnim ministarstvima i drugim tijelima kantonalne uprave.....	650
371	Odluka o davanju saglasnosti na Finansijski plan Zavoda zdravstvenog osiguranja Bosansko-podrinjskog kantona Goražde za 2010.godinu.....	651
372	Odluka o usvajanju Finansijskog plana Zavoda zdravstvenog osigurnja Bosansko-podrinjskog kantona Goražde za 2010.godinu.....	652
373	Finansijski plan Zavoda zdravstvenog osiguranja Bosansko-podrinjskog kantona Goražde za 2010.godinu.....	652
374	Odluka o načinu raspolaganja stanovima u vlasništvu Bosansko-podrinjskog kantona Goražde.....	658
375	Odluka o određivanju zdravstvenih ustanova koje će izvoditi Program imunizacije, kao i način provođenja imunizacije.....	660
375a)	Uputstvo o načinu provođenja obavezne imunizacije na imunizacionim punktovima Bosansko-podrinjskog kantona Goražde.....	661
376	Rješenje o imenovanju Komisije za utvrđivanje uslova propisanih za kancelariju notara.....	662